



# 中國地方志集成

重慶府縣志輯 ②①

道光補輯石砭廳新志

光緒秀山縣志

乾隆酉陽州志

同治增修酉陽直隸州總志（一）

巴蜀書社 · 鳳凰出版社 · 上海書店

# 第二十一册目錄

道光補輯石砭廳新志	一
光緒秀山縣志	九九
乾隆西陽州志	二五五
同治增修西陽直隸州總志（一）	三五五

光道

補輯石碓廳新志

清·王槐齡 纂修

道光二十三年刻本 十二卷

補輯石砭廳新志序

郡邑之志猶國家之史也國空無史一代之政治典章無以考郡邑無志一方之風土人物無由徵石砭自改土歸流風會漸開是不可無志也歲己亥余奉檄來守茲土取讀舊志知創修者為山左王蓮峰史材也文體倣吾鄉康對山武功志簡要明

補輯石砭廳志

一

晰亦如之厥後有史李二公之補修暨邇人再和軒教授之重修皆有功於前志者也顧諸書各自為編或梓或未體例既殊是非互異且近來三十年之事實人文未嘗補入懼其久而軼逸如前志之缺也因不揣固陋輯諸家之書彙而為一以蓮峰舊志為藍本參用李氏之體例補以史再

二書之事蹟並細為採訪增廣一二庶乎分者合而缺者全述而不作以成前人之美固非如郭象之盜人為己有也抄既成編名曰補輯石砭廳志或譽之曰是可廢從前諸作矣余曰有史記漢書新舊唐書之例在焉見其可廢也將付剞劂述巔末以冠簡端

補輯石砭廳志

二

道光二十有三年歲在癸卯春二月上浣之吉

欽賜藍翎

誥授奉政大夫前署四川直隸松潘廳撫民理

番同知重慶府永川縣知縣管理西藏錢法軍糧事務重慶府分駐江壯廳理民同知直隸石砭廳同知蘭倉王槐齡序

創修石砭廳志序

廳本土可地舊無志今志之創也康熙時土司舍人馬斗燇纂志稿未授梓乾隆間為署夔州府同知黃克顯携去遺失別無傳本夫六七百年土疆無片言隻字可因縈緒固陋寡聞作其權輿亦憂憂乎其難之矣然由土改流業經十有四年地雖無異而先後則有內外之分土司時文獻今已寥寥不足徵憚其難而因循不為歲月消磨一切漸滅後之人雖欲創始真成無米之炊矣豈非前事

補輯石砭廳志

原序一

之咎乎故不揣愚昧簿書之暇搜羅採訪作志十三篇起七月望日至十月朔日書成且夫志猶史也周子曰言之無文行之不遠史不文為斷爛朝報志不文亦為菹圃冊子一鈔胥為之可就無俟文士之秉筆也而閱者之不值一哂不問可知尚足待太史之採乎家阮亭司寇論明代志乘以康對山武功志為最取其文也顧文非必一體而同歸於雅不文亦非必一例而同歸於俗故作志者不必規規焉倣武功之體而惟各自成其文則雅

而不俗亦可各自問諸世矣原序自釋出以來十

有九載碌碌風塵學補荒落心雖知其義而筆不能其辭每成一篇自覺慚愧然不敢以菹圃冊子塞責為家阮亭司寇所斥且為周子所譏也倘後有博雅君子因其創而復加修飾潤色之功俾文采燦然可以行遠則今之志固得以傳即馬斗燇之稿亦可不恨其無傳矣  
乾隆四十年歲次乙未十月望日  
賜進士出身

補輯石砭廳志

原序一

誥授奉政大夫四川直隸石砭廳同知琅邪蓮峯王縈  
緒序

纂修直隸石砭廳志官紳職名

康熙年間創修

歲貢生馬斗燁

書未梓行乾隆間其稿本為同知黃克顯携去遂佚

乾隆四十年創修

原任石砭廳直隸同知王縈緒

作志十二篇補闕一篇梓

乾隆五十七年續修

署石砭直隸廳同知史欽義

續補廳志數十條梓附舊志後

嘉慶十二年修新志

署石砭直隸廳同知李堦

著新志八篇已梓

補輯石砭廳志

職名

嘉慶十六年重修新志

拔貢生冉永燮

時重修四川通志撥取各郡縣志書同知陳大溶因舊志簡畧延之重修原稿已賣省局今其家藏者為道光五年另輯本亦未梓

道光二十二年補輯新志

纂修官 直隸石砭廳同知王槐齡

監造官 直隸石砭廳照磨汪邦選

校錄 莊裕崧

江蘇元和縣人 王恩遠 成都華陽縣附生

勘對人 歲貢生冉裕垕 拔貢生冉裕圻

補輯石砭廳新志目錄

蘭倉王槐齡植三甫纂輯

地理志第一

沿革山水疆域

賦役志第二

里甲疆域戶口糧賦支銷稅課倉儲

職官志第三

巡檢訓導千總外委

學校志第四

學額貢生舉人進士

建置志第五

城池武舉書院義學考院 津梁 龍亭 寺觀 衙署

風俗志第六

土司志第七

安撫司宣撫司宣慰司

補輯石砭廳志

目錄

人物志第八

耆舊流寓節烈

物產志第九

穀蔬菓蔬花卉翎毛 絲泉 竹木 藥蟲

藝文志上第十

記序傳說雜著並附

藝文志中第十一

藝文志下第十二

詩詞附



補輯石砭廳新志

地理志第一 沿革 天時 山水 疆域

地理志昉自班孟堅史部鴻裁也方書撰述如關中記豫章古今記鄴城記吳地記之類一區一域偶經載筆皆足備當代輜軒之採而學士大夫稱博引亦得以資考証焉唐宋州郡之書多以圖經名蓋象數至蹟不能求詳於文字故編記之外繫之以圖虛實相參極其該備但圖之為體無辭句可以誦習非纂輯可以約收而繪景畫形專門

補輯石砭廳志

地理第一

一

之學文人難於摹寫百千年後偏廢不傳矣三輔黃圖且然况其他乎近代志家乃亦有圖往往不詳經制而以八景十景雜廁簡端習尚相沿義同弁髦此又仿古而不得其體要者也今按地理而言之石砭為四川省東南邊鄙綜其沿革則時勢殊焉觀其天時則寒燠異焉其山水有險夷其疆域有廣袤職是邦者仰觀俯察修明封守考古証今因地制宜而熟籌夫教養安全之畧神明夫因革損益之權豈非為政之要務歟志地理

沿革

石砭之名石砭土司之設皆昉於趙宋南渡沿於元著於明我

朝

因之歷百有五年至乾隆二十七年乃改歸內地為石砭直隸廳而南宋以前則先為內地南賓縣以縣之得名也自晉隋以上未置縣無可考 唐武德二年析

浦州 今萬縣 之武寧縣置南賓隸忠州 宋因之建炎時

又置石砭安撫司於縣地而猶有縣隸忠州 元仍宋

制 明乃廢南賓縣併入酆都其石砭土司則如舊南

補輯石砭廳志

地理第一

二

賓內地也何置土司其地東南二境與五溪苗蠻接壤當宋高宗時南北構兵中原大亂苗蠻乘隙不靖劫掠鄰境沿江州縣蕩析離居或謂漢伏波將軍馬援五溪蠻敬畏如神戶祀之以援裔能事者往征當易平已得扶風人馬定虎援三十九代孫也知兵饒膽畧朝命頒兵進勦定虎入川駐水車垵 今廳東百里舊城垵 擊之苗果震潰散捷聞即以南賓縣地官之縣東南六十里有高峰直上狀類砭乃置石砭安撫司勅馬氏世襲節制九溪十八崗為鎮服苗蠻之計厥後夷漢相安故元因其舊

明洪武八年以馬克用功陞爲宣撫司天啟元年以秦  
良玉功又陞爲宣慰司

國朝順治十六年全蜀歸附石砭仍爲宣慰司其改內地

直隸廳隸川東道今裁十有四年按舊志作於乾隆  
十年乙未至今道

壬寅歲又歷一南賓也既設安撫司矣何宋元二史

有南賓縣隸忠州至明又有縣地併入酆都乎今廳城

爲土司舊治而土司宋元時之治則在水車埧明初馬

克用始遷此城西南萬安山陰石壁上唐開元宋徽廟

南宋寶佑間南賓縣令陳元珪諸人均有詩記石刻詩建

### 補輯石砭廳志

地理第一

三

置及則南賓縣治之在此固確矣想南宋初雖於南賓

縣境增置石砭安撫司以控制苗蠻而其地未盡與馬

氏也故南賓縣猶隸忠州土司與流官唇齒相輔相去

百里以成犄角之勢逮明以地小無益遂省入鄰邑其

縣乃廢迄今酆都縣十一二甲之地皆與廳地犬牙

錯當卽所併南賓縣之地縣既廢土司乃遷居南賓

治也或曰城西南二里許地名十花潭爲縣舊治瓦石

猶多然地勢窄狹不似縣城或曰是爲南賓驛城外置

郵所也其說近是姑考其概以俟博雅

### 天時

天下志乘無不先言星野卽前輩各作康對山志武功

亦引其舊志句云雍州之域井鬼之次韓五泉志朝邑

亦有句云於天文爲參之分野廳地居重慶之東南

州之西南依天官家言分之非雍州井鬼之次卽荆

翼軫之次矣吾諸城前輩陳煜明嘉靖壬戌進士官  
陝西延宜兵備道嘗

曰天無體以二十八宿爲之體繞極周天而行無一息

之停其所照臨高矣遠矣乃以區區九州之地而云各

有其主宿者其意謂九州之地足以蔽列宿故於一邑

### 補輯石砭廳志

地理第一

四

彈丸之區亦必求專宿主之於三萬里之上噫何其小

之乎窺天也旨哉斯言可破郡邑志分野之妄余每佩

服故此志不敢言及且夫天道遠而難知天時近而可

見而此地之雨暘寒燠則有異於他方者四時之雨夏

月爲多天下古今皆然故六月月令曰大雨時行廳

則自八月至次歲四月月雨十餘日或廿餘日甚至

日不雨犬幾可以吠日五七月卽雨少暘多至六月則

不雨其常雨其偶矣一歲然猶可言陰陽之愆無歲不

然則天時雨暘之有異也寰宇地勢南偏煖北偏寒至

一郡一邑之地其寒燠無不一者廳地則北燠南寒北  
鄱大山坪外燠同忠鄆廳城南北各四十五里較江北  
稍寒而不甚南鄆六七十里外則氣候絕殊故北輕穀  
南皮裘北搖扇南擁爐一二十里間如秦越之分則  
時寒燠之有異也天時之雨暘寒燠有異則人事之  
藝收穫亦當不同爰志之以告斯民

再氏重修志曰舊志謂廳地雨暘寒燠異於他方余  
土人也生五十餘年矣讀其志而歷歷驗之殊非實  
錄 今按天道至常而星躔道度無十年而不變地

補輯石碇廳志

地理第一

五

氣因之非特殊彼此且異今昔如歷家推測莫不鈎  
深致遠究或數歲或數十歲而差不能以唐宋諸歷  
施之今也廳地在萬山中舊為蠻烟瘴雨之鄉前數  
十年天時地氣舊志當非臆說後乃天道遷移漸同  
內地耳再君生後於王今去再君作志又三十年前  
後各異其時即各書所見正不容執一而泥也至  
氏志首述星野定為井鬼之次觀其所引諸生語多  
矛盾卒以騎牆之見為疑似之談固不如王志之畧  
而不書也再三思之仍用舍旃

山水

山廳境無地不山土人只呼大山坪為山 大山坪障  
蔽北境東西綿亘五百里青翠插空廳城直北倚天峰  
一名方 為最高處常有積雪 馬斗燧八景詩所  
斗山 謂倚天積雪即此 陟巔  
望境內山皆為培塿矣其有名可志者城脈發南四  
里龍骨山 蟬聯東北行二十里為頂子山 又西北  
為岡陵數里遞落入城 河北鳳皇山 馬斗燧八景詩  
此為城後屏障故亦名元武山 城東帽兒山 去城里  
山巒形 西插旗山 去城一里峭拔壁立狀若飛旗上有  
如帽然 西插旗山 亭臺故址今無存 馬斗燧八景詩所  
謂西山翠 龍虎砂也 南獅子埠 去城半里許 再南華  
旗即此 峯寨遠近兩案也 西南萬安山亦名古樓山 馬斗燧  
所謂仙崖 城河關鎖也 四川通志作鼓樓山 八景詩  
古蹟即此 城河關鎖也 以山頂舊有鼓樓也 城東十  
五里回龍山前臨南賓河 山之麓為明都 東南六十  
里萬壽山頂平濶四面險峻其上為萬壽寨 在山絕頂  
關缺門二隘由廳城東南行一路岡巒起伏尚覺平  
不甚崎嶇將至山麓乃緣峭壁旋繞而過轉出驛馬  
險絕不可名狀援石崖折而陡下至缺門又向南盤旋  
牽附而上始為寨之第一門左右俱臨百丈溪壑令人  
目眩心悸蜀道難行稱猿猴欲渡感攀援者不過如是  
由對駐馬關旋繞轉出之處飛嶽可以徑達人不能  
再過第三門半里許方至西寨平濶之所可置驛

補輯石碇廳志

地理第一

六

謂西山翠 龍虎砂也 南獅子埠 去城半里許 再南華  
旗即此 峯寨遠近兩案也 西南萬安山亦名古樓山 馬斗燧  
所謂仙崖 城河關鎖也 四川通志作鼓樓山 八景詩  
古蹟即此 城河關鎖也 以山頂舊有鼓樓也 城東十  
五里回龍山前臨南賓河 山之麓為明都 東南六十  
里萬壽山頂平濶四面險峻其上為萬壽寨 在山絕頂  
關缺門二隘由廳城東南行一路岡巒起伏尚覺平  
不甚崎嶇將至山麓乃緣峭壁旋繞而過轉出驛馬  
險絕不可名狀援石崖折而陡下至缺門又向南盤旋  
牽附而上始為寨之第一門左右俱臨百丈溪壑令人  
目眩心悸蜀道難行稱猿猴欲渡感攀援者不過如是  
由對駐馬關旋繞轉出之處飛嶽可以徑達人不能  
再過第三門半里許方至西寨平濶之所可置驛

後寨亦在險道一為當之似也沈之封函峯  
且其內寨極絕頂而清泉四五隨處湧出甘冽異  
四時不涸其一最大而形方縱橫一丈八尺周圍幾  
以石汲水者由石級上下級廣八尺有奇其水可供數  
千家聞諸文老朱容蓋圍馬萬年於此山險不可  
斷其改道以爲不日可下迨月餘不能克猶弗解圍探  
知其故以生魚數尾投之賊乃驚遁山間石壁均多  
人題咏歲久封於苔藓莫能辨識惟第二門石佛之  
秦良玉錫萬壽山三字字廣尺餘筆法迥  
勁馬斗燃八景詩所謂萬壽連雲卽此 山右石峯高

出數十丈謂石砮擊天卽此 西南百二十

里白沙嶺產白鉛百四十里尖山子舊銅廠在焉其他

層巖疊嶂不可枚舉土人皆呼之曰坡不以爲山也

水大山坪之北水皆自流入江其南山澗之水大小不

### 補輯石砮廳志

地理第一

七

一土人皆曰溪如山之曰坡也 惟南賓河曰河自湖

廣中路司境發源又名三江溪河源三道一出柱子洞

一出龍 西北至青桐園入境合流百數十里受廳東南

二境之水至大河嘴 大雪溪水東來自青桐園發源

入 土溪水東北來自悅來塲西南流 左右注之 又

西北二十里龍潭水四川通志云昔爲龍窟岸山聳

號爲水晶宮馬斗熾八景 南來注之 抵城折而北又

折而西受大鳳溪水在廳北其源有二一自茶店

入 又折而南繞城三面故亦名玉帶河馬斗熾八景詩

所謂寶瓶玉帶

卽象形也 至城西南受都會溪水在廳南自三會塲

萬安山 過萬安山北分流中出長洲爲土人菜圃 洲

西合流二十里受廳西境諸水至廖家坨金紫洞伏流

山中至鄧都縣界出爲葫蘆溪又名烏楊塢河至縣城

南入江 城東北二百里臨溪塲東二百里倉坪塲南

北之水則爲山勢所阻皆東北流 南爲九龍溝白石

發源 北爲官渡河至龍潭塢合流過河嘴塲經利川界

至雲陽縣新軍口入江不歸南賓河也 大江東下廳

界僅有洋渡溪沿溪西界沱三岸口餘皆鄰境故不贅

### 補輯石砮廳志

地理第一

八

今按廳境山重水複目不暇給雖土人亦不盡識其

名舊志所載皆其大者李氏志有城東北五十里萬

聚山以眾山環聚而名百四十里石涼傘山又名石

幢山以形似張蓋名廳南一里斑布山以色如斑布

名以及南一里腰子山再南二里大山之爲義冢清

水潭之發源石幢山魚泉之在馬尾壩皆據四川通

志補入者也至冉氏志形勢云廳爲川省東南極邊

勢據荆地湖湘之上舊作世傳疆土土例不與築女

牆新歸無外版圖仍未議修維堞然山川之險形勢

險形勢

之奇控楚連黔背江面澧賓流繞帶挹城郭而迴環  
石砮擎天倚岡巒而屹立南爲龍骨蜿蜒至於東鄰  
北有鳳凰翔翔出乎西嶂越崔嵬而臨德水舟楫生  
涯登方斗而眺瓊瑰琉璃仙界前擅獅埠龍潭之勝  
後多金鯉元武之奇大小風門扼滇池之衝要崢嶸  
沙子通鄂渚之咽喉灑瀨瞿塘魚腹之潺湲在水華  
封萬壽清江之險阻維山斯誠西蜀屏障之區抑亦  
東隅雄秀之地也語極簡該並存以資考核

疆域 市塲塘汛附

補輯石砮廳志

地理第一

九

廳爲川省東南極邊接連楚境土司時屬夔州府乾隆  
二十七年改直隸廳設同知流官與重慶夔州二府忠  
達酉陽三州同隸川東道

途程由陸路至重慶道轅七百里又千里抵成都 水  
程至重慶如陸又千五百里抵成都

疆界東三百八十里至湖北施南府利川縣界 東南  
近百五十里南百八十里至彭水縣界 西南近三十  
里西二百二十里至黔都縣界 西北百里北百里至  
忠州界 東北二百里至萬縣界 約計廣五百里袤

二百八十里此特疆域之大元也然鄰封接壤犬牙相  
錯之處遠近懸殊方隅道里要不容膠柱觀耳境內皆  
有鄂都交插之地蓋南賓故地前明併入鄂邑者也

市塲塘汛城東爲廟塲塲 又東石家塲 又東南遇

三塊石爲黃水塲 產黃連處 置塘汛 後改置老土塲 又東南倉

坪塲 城東南爲龍潭子 龍潭潭映月處也嘉慶三年沒於水今廢 又東

大河嘴 又東南蒿枝塲 城南無大塲居民貿易

赴鄂屬雙河塲 城西南爲下路塲 逾大小風門

爲雙流塲 大風門在廳治南一百四十里其門在峻嶺之上兩面石崖僅可魚貫而行過門後建甌

補輯石砮廳志

地理第一

十

而下陡峻十餘里直抵雙流塲方入坦途隆冬積雪彌  
望冰山數十年前林箐陰森中有木梯數里行人便之  
邇來斧斤研削漸成濯濯木梯亦朽腐矣乃廳人赴西  
陽彭水之隘道 小風門在大風門之北由芭洲與參  
援而上下二十餘里方至其處較大風門稍寬中有石筍  
如門棧然過此四五里卽爲大風門二隘口蟬聯不斷  
重關複壁治 又西南爲馬尾塲 亦

南要區也 又南爲濫泥塲 城西偏南爲三根樹

置塘汛 後改置鄧界三會塲 偏北爲姜池塲 石鄂兩界前明成化設巡檢分防今

廢 城西北亦無大塲 城北分二道西出燈盞

窩水洞子逾大山坪爲倒流水塲 又四十五里抵江

南岸左右夾鄰忠鄂爲洋渡溪廳之水陸通衢也置塘

汎 東出大歇塘北為茶店亦逾大山坪抵忠州界

為舖遞文移之路 東北為油榨房 東十里經鄠

境大沙 又三十里為悅來場 場南數里為舊城垣

宋元時土司舊治也今廢 北逾猴子石大山坪 為崖口

場俗各坡 又北抵江岸為沿溪場 自悅來場東

為桅杆垣今廢 又東北依大山為魚池垣 又東王家

垣 又東臨溪場亦各冠頭場市大 置塘汎 又東河

嘴場臨官渡河岸與利川分界 自臨溪場北出楠木

丫亦大山 坪別各 七十餘里北抵江岸忠萬交鄰為西界沱水

補輯石砬廳志 地理第一 土

陸貿易烟火繁盛儼然一郡邑也置塘汎且設巡檢駐

之 統計場二十有四塘汎六官弁分駐各一

補輯石砬廳新志

田賦志第二里甲 戶口 糧賦 稅課 倉儲

史遷平準書班掾易而為食貨志恤恤乎有藏富

於民之意焉唐李吉甫國計之簿宋丁謂會計之

錄專門故事自勒一編郡縣志之載賦役亦其例

也曰里甲量地制邑度地居民井邑邱甸之遺也

曰戶口周禮遂大夫以歲時稽夫家之眾寡三年

大比以萬民之數詔司寇司寇獻於王王拜受之

凡以重民數也禹貢厥田厥賦錯出九等後世量

地起科亦有上中下田之別糧賦定而惟正之供

有常額矣且五行百產利用存也鑿山煮海因天

地自然之利以佐正供歷代鹽鐵轉運各有權法

而稅課之額緣以定焉漢宣時耿壽昌奏邊郡築

常平倉今則州縣皆有民以食為天倉儲顧不重

歟又考周禮天官冢宰徒百二十人註云此民給

徭役者今自吏胥而外工作郵傳無不取給於編

氓蓋用民之力上下之通義耳若夫兵制古者以

田賦出兵井田法廢兵與農分安營置汎可以百

補輯石砬廳志

田賦第二

年不用而不可以一日不備者也至於經費有常  
租庸所入支銷多矣復除有令

恩澤所施蠲貸屢矣我

國家重熙累洽子惠元元富庶豐盈邁越千古際此

薄賦輕徭之日撫字維殷催科不擾是則有司之

責也志田賦

里甲

廳境里甲之分未審始於何時至今沿之計分三里十

甲曰洞源多近地領一二三四甲曰溪源多遠地領五

補輯石砭廳志

田賦第二

二

六七甲曰石渠多在沿江上下領八九十甲其人民則  
土司時同姓呼舍人庶姓呼里人官所役使呼把人皆  
分居三里中改設後乃無此名目也

戶口

戶口於土司時無可考乾隆二十二年同知黃克顯移

駐時編戶二萬五百六十有四丁口九萬六千一百八

十有八乾隆四十年王縈緒修志時稱其歷年編審遞

增計三萬五千六百五十戶十九萬八千六百八十五

丁口數十年來滋生流寓加倍矣李氏志疑爲緣飾其

所載嘉慶十一年戶二萬二千四百零三丁口八萬七  
千一百六十八冉氏志載嘉慶十六年戶二萬二千五  
百六十二丁口八萬九千茲察道光十八年詳報冊戶  
二萬二千七百五十七丁口八萬九千八百七十現在  
清釐保甲俟核有確數當補載以質諸說之異

糧賦

有田則有賦賦之多少視田之廣狹通例也獨石砭有  
異官不知田畝民亦不知其田之畝賦冊載某糧若干  
官按冊徵之歲計折色銀五百兩有奇土司時事簡費

補輯石砭廳志

田賦第二

三

輕勉強支吾改設後典章同內地歲支銀三千餘兩以  
入計出幾缺六分之五乾隆三十一年川臬石禮嘉奏  
援酉陽州改設例請照毗連之鄧都縣科則按畝徵輸  
奏下督藩籌議議以原承草籽秋糧田地照舊輸納遇  
有以田爭訟暨嗣後報首者隨時清丈起科部覆奉

旨遵行數十年來滋生日蕃流寓亦日集而民貧愈甚蓋

廳境幅隕雖廓而山多田少產米無多南賓河伏流山

洞舟楫不通山徑崎嶇陸運又艱故江船商販之米難

爲接濟雖豐收之年米價依然昂貴與鄰封荒年無殊

况雨暘寒燠不同內地十歲九歉耶若如田賦通例計畝徵輸其不至流離逃散者幾人今承糧之戶仍其舊額公用不敷以別庫官帑撥給我

國家軫念邊氓深恩真無涯涘矣吾民其重念之今考其

名目臚列左方

曰草籽約田種一石攤草糧一合每合折徵銀六分三釐二毫五絲額載糧三石九斗五升三勺四抄應徵銀二百四十九兩八錢五分九釐零應解銀六兩一錢四分七釐零存留銀二百四十三兩七錢一分二釐零

補輯石砭廳志

田賦第二

四

曰秋糧田種一石攤秋糧一升每斗折徵銀六分五釐四毫額載糧八十二石五斗七升一合七勺九抄八撮四圭應徵解銀五十三兩三錢九分三釐零外另徵存留秋糧銀一百七十兩七錢五分九釐零共應徵銀二百二十四兩一錢五分三釐

曰米折沿江地方應徵米十石一斗零三合每合折銀一釐共折銀十兩一錢零三釐應解銀九兩五錢五分六釐零存留銀五錢四分七釐零

曰貢馬三年一次應徵解貢馬銀一十六兩另徵

存留銀一百零二兩五錢六釐合計銀一百一十八兩五錢六釐三年分攤每年應徵三十九兩五錢二釐

以上共徵銀五百二十三兩六錢一分七釐土司時舊額也改流後卽以其原數作爲正賦

乾隆二十九年後民戶補首草糧二斗二升一合五勺九抄零應徵銀十四兩零四分八釐零補首秋糧一石三斗九升九合八勺應徵銀九錢一分五釐共徵銀十四兩九錢六分四釐零仍土司舊例也

科則乾隆三十六年民戶補首下田六頃三十七畝中

補輯石砭廳志

田賦第二

五

田十二頃四十三畝比照鄆邑科則應徵銀十五兩一分四釐零加耗銀二兩二錢五分二釐零共徵銀十七兩二錢六分六釐零遇閏加徵銀七錢二分九釐零

以上科則除遇閏加耗實應徵銀並民戶補首草糧秋糧銀共二十九兩九錢七分八釐合前土司舊額共總徵銀五百五十三兩五錢九分五釐零

稅課

田房稅自乾隆三十三年起儘徵儘解嘉慶十九年定額解銀二百二十一兩九錢一分



鹽額行捷爲永通廠水引一百四十二張每張徵稅銀三兩四錢五釐截角銀六錢羨餘銀二兩二錢九分五釐共銀八百九十四兩六錢雲安廠水引二百零八張每張徵稅銀三兩四錢五釐殊力銀七釐共銀七百零九兩六錢九分六釐二共課銀一千六百零四兩二錢九分六釐由廳申解驛鹽道庫 其請增捷水引四百九十二張課由捷爲申解 外認行捷水照票二百五十張係商人自赴捷爲領票納息現多積滯未行 硝廳地少產舊額千觔未知何始乾隆三十七年

補輯石砧廳志

田賦第二

六

王師進征金川增額三萬六千觔每百觔官給硝戶銀四兩五錢初報川洞子濫泥岩風琵琶四峒未幾告竭又覓別峒採煎爲子峒大都在東南西南二境利川彭水交界處非盡廳地也四十一年停止今無解額

銅尖山子銅廠乾隆三十三年試採後解局驗看係紅銅不堪鼓鑄且前代採竭人無成效旋請封閉

鐵大山坪舊有數十廠以近廠木盡封閉

黑鉛廠在花椒園乾隆三十三年試採後解局驗看係響鏢不堪鼓鑄亦經前代採竭旋請封閉

白鉛廠在白沙嶺乾隆三十三年開採三十五年報有成效稅額三十餘萬觔四十年同知王縈緒修志時已稱煎鉛百觔虧折本銀七八九錢一兩不等漸積拖欠官民交累後因山水驟發冲塌舊峒屢移插鼓臺冷水溪黑田池深溪溝大富坪鹿子坪大火田等處今廠又在溪溝矣蓋白鉛以煤火鑄成物有限而用無窮既困於礦尤困於煤在昔已然於今爲甚廠之遷徙無常兩因水患餘皆爲移爐就煤計也四十八年酌減稅額報解鉛九萬五千六百觔零後復歷年遞增至道光十

補輯石砧廳志

田賦第二

七

八年報解至十二萬七千五百餘觔同知榮慶稟請減額十九年報解鉛六萬餘觔蓋廳地產鉛本屬不多從前歷年儘採儘解定例比較三屆有盈無絀實則煎少報多積欠巨億舊商旣多虧欠新商鮮克承充前同知劉大經時改商煎爲官煎爲一時之權宜然尙有鉛也今則峒老山空任其事者均係採買他處所領本銀又於市價不敷類皆捐廉填補現擬稟請上憲核實另辦庶不至公私交困得盡心於撫字矣

倉儲